



宇多天皇事記 史料七
四下

9175
2065
7





史料卷之七

宇多天皇事記第四下

起寬平二年七月
盡十二月



七月丁酉朔

十三日丁酉依立秋有御拜事

小野宮年中行事云寬平二年七月十三日

正衣端笏而向西郊再拜稽首聞天子迎氣

候而出郊殿仍向其方恭拜也今日立秋七

月節故有此拜朕雖不當其位而躬居萬機

誠致恭敬也

廿二日丙午聽左大臣融腰輿事

公卿補任云左大臣從一位源融七月廿二

日聽腰輿按一代要記同之

廿八日壬子相撲召合事

廿九日癸丑同拔出事

小野宮年中行事云寬平二年七月廿九日

今日引見昨日相撲人又拔頗有疑者令相

撲陣直近衛相撲如例納言已上無有一人

唯式部卿親王并參議等陪從大政大臣令

謝奏不參之由

八月大甲寅朔

四日丁巳釋奠事

田氏家集仲秋釋奠聽講周易賦從龍曾侍

緇帷知有分無心服藥入仙群誤忝藥司蟠知非自分

龍未得昇天使空望連山一片雲

五日戊午因幡掾管根等施入上總國庄田於興福寺事

朝野群載施入帳藻原庄壹處地四至東限清水野南限綠野西限巨堤葦原北限小竹河東西壹仟貳拾丈南北肆佰捌拾漆丈田代庄壹處在長柄郡壹處在天羽郡開田參拾餘町畠等負在券文右庄田等副圖券公驗等書奉入如件就中藻原庄曾祖父故從四位上黑麻呂

朝臣之牧也壑闢為治田也田代庄始自曾祖父至于祖父故從五位下春繼朝臣其間往二買得以為私業也先考故從四位上良尚朝臣相承管領也管根等先人生平被過庭之訓云件兩箇庄先君有命可施入興福寺云昔先君於此藻原庄寢居即遺令云病深膏肓命迫且暮若有不諱葬此庄中沙生時我無慮若其後子孫非其人轉為他人之

地恐令牛羊踐我墳墓須汝世卽施入興福
寺者仍隨遺命葬件庄中今我命祿頗叶得
免飢寒須隨先君本意施入彼寺比作此念
不意遷化今管根等敬隨祖考之命施入件
等庄田伏願寺家下知彼庄但天羽庄奉維
摩會之資用藻原庄奉諸聖衆之供給願以
此功德先奉資祖考早脫漏屋遊常樂我淨
之域乍渡迷風觸究竟涅槃之岸乃至七世

父母皆成佛道敬白寬平二年歲次庚戌八
月五日蔭子藤原朝臣敏樹藤原朝臣基風
藤原朝臣房貞藤原朝臣顯相藤原朝臣眞
興因幡掾藤原朝臣管根奉別當大納言良廿卿
宣下偈下宜下知彼寺早令領納者同月廿日別
當左少辨藤原朝臣佐世奉

十一日甲子大法師聖寶任貞觀寺座主事

扶桑略記云八月十一日甲子賜書於金剛

峯寺和尚僧都真然貞觀寺座主久無其人
將以誰人補充但聖寶法師練修不倦念佛
勤事之委曲何不封示哉早以察之耳
醍醐寺緣起云根本尊師聖寶寬平貳年生年五十八
勅任貞觀寺座主爰遣真然僧正勅書貞觀
寺座主久無其人廢務失綱欲以誰人補充
但聖寶法師深守真言令補是人如何歟報
示耳爰真然僧正蒙綸旨以件大法師可為

座主之由簡申已訖

九月大 甲申朔

九日 壬辰 重陽宴事

政事要略引清凉記云九日節會事大臣奉
勅令置探韻左近衛次將持盛韻坏昇自東
階置文臺匣內左近衛將監持探韻杯進於
陣置庭中文臺匣 寬平二年以盛探韻器先
置於殿上次將昇殿取給
右近將監
令置之

西宮抄重陽節條云寬平二年巨勢文雄安
倍典行雖本任放還依新格旨示下諸司前
讚岐守管原道真未放還間入京件三人式
部省不載文人簿仍有勅召之

管家文草九日侍宴同賦仙潭菊各分一字
應製探得祉字秋菊初開秋水黃金倒映
瑠璃裏夜來月照光明見曉後風涼香氣起
桂父遊隨尚藥尋麻姑採助宮人喜賜、一

東壽千歲還愧無功天降祉

十五日戊戌令後司辨濟前司任終年調庸雜物
未進事

政事要略云太政官符七道諸國司應令後
司辨濟前司任終年調庸雜物未進事右太
政官去仁和四年七月廿三日下五畿內七
道諸國符偁得大宰大貳從四位上藤原朝
臣保則解狀偁貢進調庸既有程限支度國

用最為大要。因茲違期，屢惡等之責載在格條。而或國司頻致未進，動闕國用。至于遷替，適被放還。承前之例，所以知其有怠。猶收解由者，為後任之吏相代辨填。然而當任之務，每多擁滯。以往之事，不遑兼濟。是以調庸未進，逐年猥積。公家支用，臨事闕乏。論之政途，理須變例。望請國司進解由之日，若有任中調庸雜物未進者，返却其解由令。慎將來者。

二左大臣融宣奉勅依請者，今被同宣。倘奉勅格出之後，順法者少。加以諸國司等申請稠疊，斯卽緣時俗彫弊，人民難任也。為政之道，事尚寬賒。施令之本，宜在必濟。令須任終，調庸未進。令後任吏辨進，雖未取返，批而莫致。拘累但據式貢調使者物之與帳，同領入京。不得先後零疊。然則雖辨濟未進，寔在後司。而催發調物事屬當時。若寄事後人，專闕乃貢。

者加其科責一如前符者諸國承知依宣行之符到奉行寬平二年九月十五日按類聚三代格又載之而文省略

大法師惠珍任東大寺別當事

東大寺別當次第云傳燈大法師惠珍已講寬

平二年九月十五日任年六十花嚴宗本寺

勝皎死闕替

二十日癸卯左近中將湛補藏人頭事

職事補任云藏人頭左近中將從四位下源

湛寬平二年九月廿日補按又見一代要記歷代皇紀

閏九月小甲寅朔

十二日丑於殿上作文事

管家文案跡且求衣賦以秋夜思政何道濟

民為韻依次用之限三百字已上成篇并序

關茂之歲後九月十二日天子召見文章士

十有二人於殿上有勅曰賦者古詩之流詩

蓋志之所之各獻一篇具言汝志詩云賦云
一文一字不可風雲其興不可河漢其詞昧
且求衣欲陳人主思政之道寒霜晚菊欲叙
人臣履貞之情臣等謹奉勅旨避席議曰穆
穆焉煌二焉濟二焉鏘二焉古之所謂謀于
芻蕘訪于臺隸之義也臣道真南郡罷官北
闕通籍忝隨大夫登高之後敢上小子狂簡
之章其詞曰霜菊詩運之逾遠者淳德明之
在別卷

至遲者涼秋垂衣弗及昧且相求隨步驟而
比蹤无為无事顧澆醜以明目雖休勿休此
焉廢寢宜矣冥搜原夫君馭黎元下從造化
挾纊如與問千里於寒温凝旒不遑兼萬機
於晨夜神能降祉道可高謝仰玄鑒以來祇
望黃軒之往駕於是庶幾至人之无夜夢髣
髴君子之有調飢容先正襟推赤心於微隱
暗室嬰帶懷黔首於不欺業乃勤也天維顯

思當其時也。曉氛觸兮蕙帳，芳霜月低兮蘭
燈映褰裳以禮悅，其松柏有心引領於賢賤。
彼珠玉无脛，知人則哲從諫，惟聖風雲感自
四方。繩墨施于庶政，况復王臣謇二國老。皤
皤戴星者不期而會，藏耀者其道自和。監寐
去奢則虎魄碎，牀頭之枕悟言慎，罰則鷄鳴
絕闕下之歌，義之可必事無奈何，故能嫌戔
地於掖庭，警朝天於馳道。綺羅色薄，環珮聲

早次山龍而瓘祭，能辨緝熙分藻火，以飄揚
孰疑顛倒懿乎。四三皇六五帝，紫宮高敞乃
心于以知歸，蒼海淼茫方面於焉。既濟取諸
行迹真之治世，夫如是巖廊垂拱，水陸輸珍。
國可以為華胥之國民，可以為堯舜之民者
也。按本朝文
釋又載之

二十日癸酉參議是忠等兼任事

公卿補任云參議從三位源是忠閏九月廿

日兼左衛門督參議正四位上源直閏九月
廿日兼左大辨

廿九日

壬午

令侍臣等賦詩事

管家文草閏九月盡燈下卽事應製年有三
秋秋有九月九月之有此閏閏亦盡於今宵
矣夫得而易失者時也感而難堪者情也宜
矣情惜而又惜于時蘭燈屢挑桂醕頻酌近
習者侍臣五六外來者詩人兩三而已請各

卽事著于形言云爾謹序天惜凋年閏在秋
今宵偏感急如流霜鞭近驚衣寒冒漏箭頻
飛老暗投菊爲花芳衰又愛人因道貴去猶
留臣自外吏明朝縱戴初冬日豈勝蕭蕭夢
裏遊

是秋僧相應奉加持御齒事

相應和尚傳云寬平二年天皇有御齒不豫
事差勅使左近衛中將源令并侍中四人請

和尚應請與勅使俱下山和尚生來不乘車
馬仍自坂木先勅使馳參內裏和尚步行到
外記陣欲直參入陣官稱無宜旨不入和尚
忽飯却事通天聽其責在勅使遲參中將走
出尋問和尚既飯中將揚鞭駿馬如逐電追
到於清和院邊及之折腰卑詞請參入於于
此和尚與中將俱徒步參內裏有別勅宿位
職御曹司出入自外記陣不經幾日御齒平

愈皇帝別立一床令坐固辭不坐授以法橋
之職位賜以數多度者辭退職位只給度者
又配內供奉并賜御衣和尚皆以固辭堀河
左大臣諫云朝賞頻加一度不受論之政途
似背皇命雖辭職位可受內供受領內供并
御衣雖然御衣不觸身供無入寺內轉施東
西兩塔四種三昧之僧侶

按又見扶
來略記

元亨釋書相應傳云寬平二年秋上有菌病

勅應加持應誦理趣分五更時上夢高僧八
輩與應同聲相加上覺後所患之齒落而不
知所在上以夢告應應奏曰五鼓誦理趣般
若此經有八大菩薩即八十俱胝菩薩之上
首也彼八大士擁護聖躬邪上感之久矣應
歸山見經篋上有一齒急附近侍奉御齒上
嘉歎曰應師非凡也授以僧官兼賜度者應
受度牒而辭僧官按明匠略傳為清和天皇事

十月大 癸未朔

二日 甲申 大僧都真然等任官事

東寺長者補任云大僧都真然十月二日任

僧正 遍昭替 權律師益信十月二日轉正 宣命

又云寬平二年十月二日宣命大僧都第一

真然轉僧正少僧都第一祥勢轉大僧都

歷代皇純云僧正真然 真言宗元 寬平二年

十月二日任 東寺長者

同胞雙生天皇異之則誥於碓故號其二子
曰大碓小碓也是小碓尊亦名日本武尊幼
有雄略之氣及壯容貌魁偉身長一丈力能
扛鼎焉天皇四十年秋七月癸未朔^{十六}戊戌詔
群卿曰朕聞東夷反逆暴神多亂國家之忽
甚於倒懸命遣誰人平其亂群臣皆未知所
其薦達也於是日本武尊雄誥曰熊襲既順
伏未經幾年蝦夷逆亂討平何日矣臣雖劬

勞撥理其亂天皇手持斧鉞以授日本武尊
曰夫九夷之中蝦夷為暴悍之首焉父子無
別兄弟相疑各貪土壤遁以抄略承恩易忘
寃怨必報故頭髻藏矢衣中佩刀或結群黨
而凌邊境或伺間隙以略平民狼子野心未
泯王化加以山有邪鬼郊有暴神惱亂人民
年來尚矣今朕察汝為人_也身體魁偉志力
雄傑所向无前所攻必勝寔知形雖我子實

是神人此天下則汝天下也此皇位則汝位也願深謀遠慮探姦知變示之以威懷之以德掉舌而調暴神振武以攘姦鬼日本武尊乃受斧鉞以再拜曰臣謬以孱劣奉命東征若賴神靈之冥助假天皇之明威往臨其境示以德教猶有不服舉兵討擊重以再拜之天皇勅吉備武彥與建稻種公服從日本武尊亦以七拳脛為膳夫冬十月壬子朔癸丑

日本武尊發路之戊午枉道奉拜伊勢大神

宮啓齋王倭姬命

齋王者日本武尊姑也

曰今奉皇命

東征逆賊傾慕恩顏枉道拜辭倭姬命感其志授一神劔曰努莫離於身又賜一御囊曰若有急卒解斯囊口日本武尊拜領劔囊行道路到尾張國愛智郡時稻種公啓曰當郡氷上邑有桑梓之地伏請大王稅駕息之日本武尊感其懇誠踟躕之間側見一佳麗

之娘問其姓字知稻種公之妹名宮酢媛即
命稻種公聘納佳娘合卺之後寵幸固厚數
日淹留不忍分手既而與稻種公議定行路
之事曰我就海道公向山道當會彼坂東國
言辭約束各向前程日本武尊到駿河其處
賊帥陽從之欺曰是地也原野蕭條目極四
遠麋鹿為群有娛遊獵日本武尊信其言入
野中而覓獸賊有謀殺之意放火烧其野日

本武尊忽被詿誤計略難施其所帶神劍自
然抽出薙四面之草又閃所持囊中有火打
一枚驚喜敲火向燒而得免悉焚滅其賊黨
曾無噍類故名其處曰燒津今謂益津郡說也號其
劍曰草薙亦歷相摸向上縱轉入陸奧懸大
鏡於船首從海路迴於葦浦橫渡玉浦稻種
公適有來會縷陳山道之消息共向蝦夷之
地其蝦夷賊首嶋津神國津神等屯竹水門

欲相拒遙望大王之威勢面縛首帥共拋弓
矢望拜之曰仰視君容秀於人倫威猛若神
欲知姓名王對之曰吾是現人神之子也於
是蝦夷等震慄歸德故免其罪因以俘其魁
帥令從身也蝦夷既平自日高見國以却迴
西南歷常陸至甲斐國居于酒折宮日本武
尊與稻種公更議曰我就山道公歸海道當
會尾張宮酢媛之宅日本武尊自甲斐北轉

歷武藏上野進入信濃還向尾張到篠城邑
進食之間稻種公倮從久米八腹策駿足馳
來啓曰稻種公入海亡没日本武尊吐食不
甘悲慟無已促駕還著於宮酢媛之宅日本
武尊淹留之間夜中入廁廁邊有一桑樹解
所帶劍掛於桑枝出廁忘劍還入寢殿到曉
驚寤欲取掛桑之劍滿樹照輝光彩射人然
不憚神光取劍持歸告媛以桑樹放光之狀

答曰此樹舊無怪異自知劍光默然寢息其
後詔宮酢媛曰我歸京華必迎汝身即解劍
授曰寶持此劍爲我床守時近習之人大伴
建日臣諫曰此不可留何者承聞前程氣吹
山有暴惡神若非劍氣何除毒害日本武尊
高言曰縱有彼暴神舉足蹴殺遂留劍上道
到氣吹山山神化大蛇當道日本武尊不知
主神化蛇謂是大蛇必暴神之使也若得殺

主神其使者豈足愁乎因超蛇行數里暴風
吹淫雨降山谷杳冥乃棲遑不知其所跋涉
冒雨強行僅得出山脚失意如醉居山下泉
側乃飲其水而覺醒故號其泉曰居醒泉自
後日本武尊體中不豫欲歸尾張便移伊勢
到尾津濱昔向東之歲停此濱邊而進食是
時解一劍置於松下遂忘而去至今日劍猶
存故歌曰遠波尾張理尔多直陀尔牟向迦弊流遠津

能佐岐崎那在流比登都麻松都阿藝我君遠比登都麻
都比登尔阿在理勢波多叙知波氣麻斯遠岐衣奴
岐著勢麻斯遠比登都麻都阿藝遠逮于能褒
野異常委悞仍以所得蝦夷等獻於太神宮
又遣吉備武彦奏於天皇曰臣受命天朝遠
征東夷則被神恩賴皇威而叛者伏罪荒神
自調是以卷甲戢戈凱歌而歸之而天命忽
至隙駒難停豈惜此身之亡悔不面拜復命

既而過鈴鹿山病痛危迫故歌曰遠登賣能
登許能辨尔和賀於岐斯都留岐能多知曾
能多知波夜渡鈴鹿河中瀨忽隨逝水時年
三十仍號其瀨曰能知瀨能知者命終之詞也今改爲
長瀨訛也天皇聞之寢不安食無味晝夜嗚
咽喟然歎曰我子小碓王昔熊襲叛逆之日
未及總角征伐有功又不離左右補朕不及
今東夷騷擾無人征討忍愛以入賊境少選

無不念之是以晨昏鶴望待其凱旋何禍兮
何罪兮不意之間倏亡我子自今而後與誰
人將繼朕鴻業耶即勅群卿百寮仍葬伊勢
國能褒野時日本武尊化白鳥從陵墓出指
大和國而飛去群臣等開其棺擲而視之明
衣空留不見骸骨於是馳使追尋白鳥集於
大和國琴彈原仍於其處造陵白鳥更飛至
河內國志紀郡留舊市邑亦其處造陵故時

人號是三陵曰白鳥陵然遂竄翦昇天徒葬
衣冠而已但日本武尊於氣吹山所以受病
者放神劍於身故也此神劍者素戔鳴尊於
出雲國所得也昔素戔鳴尊自天降到於出
雲國簸之河上時聞河上有啼哭之聲故尋
聲覓往有一老翁與老嫗中間置一少女而
哭之素戔鳴尊問曰汝等何人哭泣如此耶
對曰僕是國神大山祇之子也號足名槌手

名槌此少女是吾兒也號櫛稻田媛所以吳
者往時僕有八女子每年爲尾八岐大蛇所
吞今此少女且臨被吞無由脫免故以悲哭
素戔鳴尊勅曰若然者汝當_下以少女奉_上吾耶
老翁對曰不敢背仰聞御名答曰我是天照
太神之弟素戔雄尊也於是翁嫗即知天神
謝曰左右任勅素戔鳴尊立化櫛稻田姬爲
湯津爪櫛櫛於御髻乃使_下足名槌手名槌釀

八醞酒并作假殿八間一面開八戶各置槽
盛酒以待之至期有大蛇到頭尾各有八岐
眼如赤酸醬松柏生於背上而蔓延於八丘
八壑之間其腹皆爛壞及顛酒氣八戶分頭
飲醉而睡時素戔鳴尊乃拔所帶十拳劍寸
斬其蛇歟河之水一時流血斬蛇尾之時劍
刃少缺故割裂其尾視之中有一劍此所謂
叢雲劍也素戔鳴尊曰是神劍也何敢私秘

藏乎獻天照大神故彼太神齋女有領神劍
授日本武尊而已日本武尊奄忽仙化之後
宮酢媛不違平日之約獨守御床安置神劍
光彩亞日靈驗著聞若有禱請之人則感應
同於影響於是宮酢媛會集親舊相議曰我
身衰老昏曉難期事須未暝之前占社奉遷
神劍衆議感之定其社之地有楓樹一株自
然炎燒倒水田中光焰不銷水田尚熱仍號

熱田社天命閑別天智天皇七年戊辰新羅沙門
道行盜此神劍將移本國竊祈入于神祠取
劍暴袈裟逃去伊勢國一病之間神劍脫袈
裟還著本社道行更還到練禪禱請又暴袈
裟逃到攝津國自難波津解纜歸國海中失
度更亦漂著難波津乃或人託宣曰吾是熱
田劍神也然被欺妖僧殆著新羅初暴七條
袈裟脫出還社後暴九條袈裟其難解脫于

時吏民驚怪東西認求道行中心作念若棄
去此劍則將免捉搦之責乃拋棄神劍不
離身道行術盡力窮拜手自首遂當斬刑天
淳中原瀛真人天武天皇朱鳥元年丙戌夏六月
己巳朔戊寅十天皇御病草薙劍為崇即勅
有司還置于尾張國熱田社自爾以來始置
社守七員一人為長六人為別並免徭役凡奉祀劍神
於此國者總緣宮酢媛與建稻種公也宮酢

媛下世之後建祠崇祭之號氷上姊子天神
其祠在愛智郡氷上邑以海部氏為神主海
部是尾張氏別姓也稻種公者火明命十一
代之孫尾張國造乎止與命之子母尾張大
印岐之女真敷刀婢命也實尾張氏祖也因
茲以熱田明神為尾張氏神宮酢媛及建稻種命大宮相殿
神也便以尾張氏人補神主祝等職也但件神
社舊依無緣起去貞觀十六年春神宮別當

正六位上尾張連清稻搜古記之文問遺老
之語粗加繕寫有脩緣記守從五位下藤原
朝臣村楡理劇之隙披閱斯文嫌締句之質
略訪通儒而筆削之庶令神明靈跡萬代長
傳也即寫三通一通進公家一通贈社家一
通留國衙寬平二年十月十五日
廿一日癸卯依初雪有御會事
菅家文案十月廿一日禁中初雪應製推步

四時令不違初閏六出報重闡地因高齋者
何易天未全寒想更非粧妓自疑顏粉落宿
醒偏誤眼花飛今朝且揖如雲瑞先滅唯緣

近日輝

三十日壬子依太政大臣基經病賜度者行大赦
事

一代要記云太政大臣基經寬平二年十月
三十日依病賜度者三十人詔大赦天下按

見歷代
皇紀

攝關傳云寬平二年冬大臣寢疾於此天皇

詔賜度者卅人又免囚徒

是月左近大將良世母卒事

公卿補任云大納言正三位藤良世左大將

十月服解十二月復任

又尻付云藤良世贈太政大臣冬嗣八男母

從四位上大庭王女正五位下朝平女王

十一月小

癸丑朔

十五日

丁卯

依穢停新嘗祭事

權記云長保三年十一月十八日今夜亥刻

許內裏燒亡十九日左大臣道長以下被參職御

曹司被定雜事神事停止元慶七年寬平二

年延喜十五年内裏有穢神事止許也廿五

日新嘗祭停止今日宴會同止但依先例取

見參給祿元慶七年寬平二年延喜十五年

例也

十九日辛未賜勅答於太政大臣基經事

管家文草答太政大臣謝為病賜度者免罪
人勅勅太政大臣雅言悉之皇天不知公病
無損朕前行志冥助惟求欲令出獄門者開
法網以為公處療之方入禪道者轉戒珠以
為公加持之力功重報輕朕之過也謝章忽
至增愧深焉又國家庶務關白於公朕自樂

成業在恭已而今具叙其意固辭此職非唯
退閑之謀期以消伏之術既云避害朕豈忤
之雖暗前途暫順來請不有日月乎不有山
川乎所患少間視事如故勿使朕當淵水奔
馳之危以無舟楫銜轡之備而已嗟辱朕之
砭石朕之股肱豈圖令股肱不安和為砭石
所治攝捨心而歎刻骨以傷公強加食莫忘
社稷寬平二年十一月十九日

又答太政大臣謝幸第視病勅來狀具之
更加憂念公者朕之所託身寄命也日來有
患風心乖和雖知天福善人殊恨久隔霄接
故尋舊典揖前王欲就公第而視寒濕叙朕
情以披肝膽而今言詞懇惻迴避慙頓即
禮也不敢違意公輔翼先帝推進朕躬自古
功臣未有為比况四時調適萬姓安和天縱
之才摠在公職朕欲切問近思之意非唯一

朝一夕而已依請止之心往足留留而不安
將遂宿志公好縱容勿重疎遠寬平二年十

一月日

按此勅不知何日但本
集接前勅仍姑附于此

廿三日乙亥置圓成寺年分度者二人事

類聚三代拾云太政官符應置圓成寺年分
度者二人并許維摩最勝輪轉堅義事金剛
界業一人胎藏界業一人右彼寺別當權律
師法橋上人位益信奏狀僞竊以三尊正智

者遣我二之爛蛾三藏聖教者擯有二之夢
虎是以香城折骨顯求法之誠雪嶺投身表
聞偈之慶遂使出三界之樊籠蹈三身之寶
位矣方今欲使顯教之業邈傳於無盡之劫
秘密之宗遠扇於不朽之風望請准貞觀安
祥元慶寺例賜度者二人長為年分但其所
業者令一人者專學真言之教一人者學法
相花嚴律三論成實俱舍天台七宗之教常

住伽藍練其宗學厥試條者三部經文義及
各本宗論書文義也上件八宗課試並十條
通五以上為得第每年三月試定出家授以
三歸五戒令精進練行待東大寺授戒時乃
令受比丘大戒又追新藥師本元興崇福海
印寺等例被許維摩最勝兩會輪轉豎義但
年次置於海印寺下然僧之得業具有五階
其試復二業者於圓成寺真言阿闍梨為首

諸宗智者以為證師嚴試文義碩學成功將
進彼會豎義之後即配請去年所申當寺安
居講師前件四階畢者次充傳法供講便為
第五階滿畢委錄所業經論并年月日各移
本寺附學生帳又以辨史置俗別當上件數
事不勝丹誠伏聽天裁者正三位行中納言
兼右近衛大將民部卿源朝臣能有宣奉勅
宜依來奏但顯教業度者不在件限寬平二

年十一月廿三日

廿六日

戊寅

以南元寺為定額寺事

扶桑略記云十一月二十六日朗善法師申

云大師立寺在天台山南趾而大師付囑朗

善供養香華及二十年望以件山為定額寺

永誓護國家也聞之為南元矣

廿八日

庚辰

禁藏人裝束亂猥事

侍中群要云禁制裝束亂猥事右供奉殿上

可尊儀嚴而晝時著夜裝束亂髻藝服宜加
禁遏勿令復然若有犯者從追却寬平二年
十一月廿八日

廿九日辛巳左近權中將時平叙從三位事

一代要記云藏人頭藤時平從四位下左中

將寬平二年正月從四位上同十一月二十

九日從三位按歷代皇紀為廿七日尊卑分

目錄為三年十一月廿八日大鏡裏書古今集
公卿補任職事補任同本書

公卿補任云藤時平仁和三年二月十七日

任右近權中將五年正月十六日兼讚岐權

守寬平二年正月七日叙從四位上十一月

廿九日叙從三位按三代實錄右

十二月小壬午朔按長曆以是月為大以

宮抄扶桑略記公卿
補任等推以改之

二日癸未始置仁和寺別當事

釋家初例抄云仁和寺別當始律師幽仙寬

平二年十二月二日任

四日酉令修補崇福寺寶幢事

管家文草崇福寺絲錦寶幢記勅近江崇福寺者天智天皇之創建也逢師感應得地因緣誓念至心稱成細目天智十年辛未之年勅旨詳矣資財之內有一寶幢裁製飄揚誠足隨喜朕風聞幣破露膽憂思出自山中對之增歎夫功德以信力為宗不以華飾為本以修舊為

得不以立新為勝况乎本願天皇朕之遠祖大廟也予末小子何不祇承是故依手澤發心機錦章已斷者弃其故而用其新華藻猶存者補其闕以加其固蓋諧天皇長短之謀守天皇丹青之信也於是塵埃拂去絲縷宛然寶蓋高張雲影欲破而更聳絲幡斜曳虹輝可消而再晴凡厥見聞大眾誰不發菩提心仰願當來導師彌勤慈尊登遐聖靈天智

天皇悉知悉見證成證明朕是慈尊之在家
弟子朕亦聖靈之遺跡未孫愚也癡也可慙
可愧非賴慈尊擁護何以安濟衆生非蒙聖
靈福祚何以保安天下願垂聽許滿足所求
寬平二年歲次庚戌十二月四日散位正五

位下管原奉勅記

按本朝文
粹又載之

六日丁亥中務大輔十世王任宮内卿事

公卿補任云十世王仁和元年正月十六日

任中務大輔同三年二月二日兼加賀權守

寬平二年正月七日叙從四位上十二月六

日任宮内卿

十四日乙未太政大臣基經上表事

公卿補任云關白太政大臣從一位藤基經

十二月十四日依病上表辭職有勅關白事

暫依申請停之病若有間視事如故

按管家
文草有

十一月十九日勅答據是此表宜在前月然
攝關傳尊卑分脈歷代皇紀亦為此月姑存

疑繫于此

歷代皇紀云十月公寢十二月十四日上表

辭職

尊卑分脈云寬平元二十太政大臣上表

按二十下疑脫四字

十七日戊戌維城親王改御諱事

皇代略記云醍醐天皇寬平元年十二月廿

八日為親王二年十二月十七日改御名字

維城為敦仁

按皇代記為十一月日本紀略大鏡裏書同本書

廿三日甲辰置仁和寺年分度者二人事

我慢抄云太政官符應置仁和寺年分度者

二人事毗盧遮那業一人摩訶止觀業一人

並可兼學法花經一部八卷金光明經一部

四卷右彼寺別當權律師法橋上人位幽仙

奏狀偁幽仙謹緣勅命勾當寺家而建立年

淺止住人乏何況伽藍在山陵內光孝諸人出來

不必自在夫以法不自弘弘之在人人不孤
立立之緣法法人兩存乃得興隆凡伽藍者
翻衆園是則所以大衆共住修學佛法者矣
如今聖主陛下近為莊嚴山陵遠為興隆佛
法建立精舍於山陵奉迴向白業於聖靈迴
向之志既期万劫紹隆之誠豈限一代謹檢
代御願例皆有年分度者幽仙昔就師緣
久住叡山頗以稟學真言止觀等雖未探其

廿
深奧而恒致歸命之誠且夫大日經者真言
根源秘藏之至極也其止觀者禪門玄樞惠
藏之明鏡也安鎮國家之基興隆正教之設
莫如此二法望請天裁建斯兩宗於件御願
寺每年試練當先帝登遐之日授沙彌戒得
度之後於天台戒壇受大衆戒之後還住本
寺晝則令轉讀金光明經妙法花經專以誓
願聖主寶祚夜則念持彌陀真言等一向奉

迴向先帝聖魂件年分僧等中若有才學優
長者預延歷寺階業同以一向大乘鎮護國
家同以菩薩戒力福利群生謹錄事狀伏聽
天裁者正三位行中納言兼右近衛大將民
部卿源朝臣能有宣奉勅宜依來奏寬平二
年十二月廿三日按類聚三代拾為十一月
然幽仙未補

廿六日丁未天台座主圓珍奏補寫一切經事

扶桑略記云十二月二十六日丁未太政大基經
臣請天台座主圓珍令修法也及今朝還向
本寺爰朕請引彼法師奏曰天台前阿闍梨最登
所寫一切經未校正也於是大比叡小比叡
明神等現可校之事已及數度又圓珍所給
十禪師供養料甚多所成之功尤少須轉讀
此經奉祈中聖主復前太政大臣良房於彼山令寫
一切經開元錄所有四千餘卷雖求書之頗

尚不足昔日圓珍唐來之日揚州人相隨來
著此土厥後還土國人往送筆圓珍尋量其
由有所懷今我國所書經二千卷也開元貞
元等目錄所來四千餘卷也爰為求加其卷
數差從僧令向彼天台山即便書件經可送
之狀囑送彼揚州人所彼人信其言送五十
卷歡喜贈沙金以答其意頗有如是之類可
寫足其卷數圓珍自病殊重不便起居下出

山脚問求醫家云二朕聞歡喜信受爰朕極
頑鈍不得万人之心而從昔日歸依佛陀波
梨必請念願已上御記

天台座主始任僧都事

天台座主記云第五圓珍和尚寬平二年十
二月廿六日任少僧都依寺家大眾奏狀天
台座主僧都之初也按又見扶桑略記
釋家官班記云少僧都圓珍謚号智寬平二

證大師

年二月廿七日任

于時座主○按二月上宜補十字

圓珍和尚傳云寬平二年冬寺僧大小相率上表曰延曆寺僧叡操等謹言聖師希遇誰舉瞻蔔之芳真理難聞焉嘗醍醐之味禪徒之志懇切在茲座主法眼和尚位圓珍得道樹之英瀉佛瓶之水精進覺路脂不退之輪率勵法軍搥無畏之鼓况復航疊浪而問道反孤岫而傳業持如來之心印授菩薩之髻

珠領灌頂壇二十有年化木义衆千萬餘人既而寒嶠年深艸庵老至六時修行一念回向莫不致冥護於金輪獻潛衛於絳闕伏惟陛下政鑒法鏡化照世燈轉天日而助堯曦流甘露而添聖澤遂令優命溢於澗戶寵光映於松扉為國為道帝念深矣然而法眼之名稍似散職座主之号唯施一山若不總法務之要領握道統之紀綱則增慢之徒何以

降伏叡操等唱山神以凝誠聚涓心而同慮
推舉閤梨望為僧正伏願卑聽卷續慧眼褰
旒天光曲降照大眾之中襟雲渙忽施灌滿
山之渴乏不任精誠之至拜表以聞時太政
大臣越前公基經且加推薦即為少僧都和尚語
諸僧云今日推獎極非素懷但上懼違聖主
之恩施下憚乖大眾之篤志故旬月之間暫
叨此號須大眾早奉賀表然後貧道抗辭退

之詞而已

是年齋宮元子女王入野宮事

和漢合運云寬平二年伊勢齋王行禊於鴨

河入野宮

令左大辨廣相作藏人式事

侍中群要云藏人式

寬平二年左大辨
橘廣相奉勅作之云凡

藏人之為禮也內則忝陪近習外亦召仰諸
司職掌之尊誠可嚴重朕虛眇之性愚而又

愚寢食之間日慎一日藏人等須叙位除目
聞奏議政之場適所聞得無是非慎勿外
漏焉翫月賞花調曲吟詩之席乘興扶醉何
無戲謹慎勿傳語焉殿上非違喧啾盪惡隨
聞必加糾彈慎勿隱忍焉奉傳勅旨下知百
官若有違道必可忠諫慎勿默止焉召仰諸司之後
不迴時刻即可覆奏其召仰狀當番日記事無大小慎勿遺
脫焉臨時雜役應召如響慎勿遲留焉所中

舊事尋問蹤迹一二興行慎勿踈略焉所中

雜物分別色目明二充用慎勿違誤焉絕布紙墨

等之類充公用之餘依例任用汝曹敬之戒之勿踈勿輕又

諸聽昇殿者可知此意矣朕為汝曹不敢隱

情今之所叙慙不中道汝曹秘於內而勿施

於外存於意而勿出於言若出言施外令知

之非唯汝曹之不密斯乃朕之大過也按廣相五

置月十六日薨奉勅之日未詳

置三井寺二會立義事

濫觴抄云園城寺二會立義宇多四年庚戌

寬平二年始置之按扶桑略記天台座主記又載之

十禪師昇嚴建知足院事

東大寺別當次第云寬平二年昇嚴十禪師

始建知足院

無動寺相應建法宿菩薩寶殿事

相應和尚傳云寬平二年法宿大菩薩託宣

史云如小比叡寶殿為我可造造窟殿不經幾日

造立

僧清源等造竹生嶋中門磴橋事

竹生島緣起云寬平二年庚戌天台僧清源

道慶理智等並行此島辨才天化人之聞傳

世則造中門及磴橋等云曰平堂等計其并

珍皇寺燒亡事

東寺文書珍皇寺司解狀云珍皇寺者大寶

以往山城淡海為鎮護國家利益黎民所草創也隨為東寺之末寺年序久積經四百餘歲而去寬平二年又天德四年堂塔僧房并寶藏等燒亡云二

全文在延久三年十月

史料卷之七 續寶題 萬年下 遠雷題 本續錄 宜

